

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 12-1029-2/18 od 06.08.2018. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa v.d. Direktor Mr. Zijad Memišević (u daljem tekstu: Ugovorni organ)

i

2. **Obrt, proizvodnja i promet suhomesnatih proizvoda „OČUZ“** vl. Očuz Mirzet, ul. Uvorići br. 44, Visoko, identifikacijski broj kod Porezne uprave FBiH Kantonalni ured Zenica 4318512030003, identifikacijski broj obveznika PDV 318512030003, koga zastupa vlasnik Očuz Mirzet, (u daljem tekstu: Izvršilac usluga)

Dana, 06.08.2018. godine, u Sarajevu, zaključuju:

UGOVOR O VRŠENJU USLUGA
okoštavanja i sušenja kurbanskog mesa
za potrebe KJU „Gerontološki centar“ Sarajevo

Član 1.

Ugovorne strane su saglasne da Izvršilac usluga za potrebe Ugovornog organa izvrši uslugu **okoštavanja i sušenja kurbanskog mesa za potrebe KJU „Gerontološki centar“ Sarajevo**, a sve prema zahtjevima Ugovornog organa iz Zahtjeva za ponudu broj: 12-1029-1/18 od 31.07.2018. godine i Ponudi Izvršioca usluga, broj: 03/18 od 31.07.2018. godine, koji čine sastavni dio ovog Ugovora.

Predmetna usluga bi obuhvatala uslugu okoštavanja i sušenja kurbanskog mesa, pri čemu količina kurbanskog mesa nije unaprijed poznata, jer ista zavisi od donacija, te će se utvrditi nakon prijema donacija.

Član 2.

Jedinična cijena usluge okoštavanja i sušenja kurbanskog mesa po jednom kilogramu iznosi **2,00 KM bez PDV-a, odnosno 2,34 KM sa PDV-om.**

Maksimalna vrijednost ovog Ugovora iznosi **do 6.000,00 KM bez PDV-a**, odnosno maksimalno do 3 tone kurbanskog mesa.

Ukupna vrijednost Ugovora zavisi od nastalih potreba Ugovornog organa, odnosno od količine primljenih donacija kurbanskog mesa, a obračunavat će se po jediničnoj cijeni usluge iz stav 1. ovog člana, a do maksimalne vrijednosti ugovora iz stava 2. ovog člana.

Član 3.

Ugovorne strane su saglasne da se u periodu važenja ovog Ugovora, jedinična cijena usluga precizirana članom 2., stav 1., neće mijenjati.

Član 4.

Ugovorne strane su saglasne da Ugovorni organ primljene donacije, odnosno kurbansko meso dostavlja izvršiocu usluga isti dan po prijemu istih, dok se Izvršilac usluga obavezuje da odmah po prijemu kurbanskog mesa obavlja sve radnje potrebne za uredno izvršenje predmetne usluge.

Ugovorne strane su saglasne da predmetnu uslugu prilikom predaje i prilikom preuzimanja prati **otpremnica obostrano ovjerena**.

Član 5.

Osnov za plaćanje izvršenih usluga je faktura koju Izvršilac usluga dostavlja Ugovornom organu za uredno izvršene usluge, a na osnovu otpremnica potpisanih od strane ovlaštenog lica Ugovornog organa i Izvršioca usluga.

Ugovorne strane su saglasne da se fakturisanje i plaćanje ugovorenih usluga izvrši nakon izvršenja usluge.

Ugovorni organ se obavezuje da će plaćanje fakturisanih ugovorenih usluga vršiti u roku od **30 dana** od dana prijema fakture, putem transakcijskog računa Izvršioca usluga broj: **1406021120000437** otvoren kod **Sberbank**.
Plaćanje će se vršiti u konvertibilnim markama.

Za svako kašnjenje u plaćanju Ugovorni organ se obavezuje da Izvršiocu usluga pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Izvršilac usluga ima pravo, bez ikakve daljnje opomene, na posebnu naknadu u iznosu 100,00 KM.

Član 6.

Izvršilac usluge se obavezuje na izvršenje predmetne usluge okoštavanje i sušenje mesa najkasnije u roku od 5 mjeseci od dana potpisivanja ovog Ugovora, te na isporuku nakon izvršene usluge na adresi KJU „Gerontološki centar“ Sarajevo, ul. Aleja Bosne Srebrne broj 7, Sarajevo.

Član 7.

Obavljanje poslova u izvršavanju predmetne usluge iz člana 1. ovog Ugovora, izvršavat će ovlaštena stručna lica Izvršioca usluga.

Izvršilac usluga se obavezuje da će pružanje ugovorenih usluga vršiti prema važećim standardima i pravilima struke, te garantuje blagovremeno i kvalitetno vršenje usluga, a u slučaju reklamacije na nekvalitetno obavljene usluge, obavezuje se na ponovno izvršenje istih o svom trošku.

Ukoliko Ugovorni organ utvrdi bilo kakve nedostatke usljed kojih je kao posljedica nastupila šteta Ugovornom organu, Izvršilac usluga je dužan da nadoknadi eventualno prouzrokovanu štetu.

Član 8.

Ukoliko Izvršilac usluga zakasni sa izvršenjem ugovorene obaveze, dužan je platiti Ugovornom organu, za svako kašnjenje u izvršenju ugovorenih obaveza, **ugovornu kaznu** u iznosu od 5% od vrijednosti konkretne predmetne usluge sa kojom se zakasnilo.

Ugovorne strane su saglasne da je za slučaj neizvršenja ugovorenih obaveza Izvršilac usluga dužan platiti Ugovornom organu, ugovornu kaznu u iznosu od 5% od vrijednosti ovog ugovora.

Ugovorni organ se obavezuje da Izvršioca usluga odmah obavijesti o svakom kašnjenju u izvršenju ugovorenih obaveza ili neizvršenju istih, na osnovu koje je Izvršilac usluga obavezan umanjiti iznos fakture za plaćanje u skladu stavom 1. i 2. ovog člana.

Pored prava iz stava 1. i stava 2. ovog člana, Ugovorni organ ima pravo naknade štete, ako je ista prouzrokovana ovim zakašnjenjem ili neizvršenjem.

• Član 9.

Za svu eventualne reklamacije za izvršene usluge koje su predmet ovog Ugovora, Ugovorni organ će upozoriti Izvršioca usluga i odrediti mu primjeren rok za ponovno izvršenje reklamirane ugovorene obaveze.

Ako do isteka tog roka Izvršilac usluga ne postupi po zahtjevu Ugovornog organa, Ugovorni organ može raskinuti Ugovor i zahtijevati isplatu ugovorne kazne, kao i naknadu štete uzrokovane neizvršenjem obaveza u skladu sa ugovorenim.

Član 10.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za izvršenje ugovorenih obaveza.

Izvršilac usluga je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

Član 11.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 12.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 13.

Ugovorne strane mogu ovaj Ugovor raskinuti i prije njegovog isteka ukoliko se jedna od ugovornih strana ne bude pridržavala odredaba istog, uz otkazni rok od 30 dana, uz predhodno izmirenje svih ugovornih obaveza.

Ugovor se smatra raskinutim po isteku otkaznog roka od 30 dana od dana prijema pismenog obavještenja o otkazu ovog Ugovora.

Član 14.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 15.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

IZVRŠILAC USLUGA:
Oban Kost
OBRT PROIZVODNJA I PROMET
SUHOPRESNATIH PROIZVODA
Broj: "OCUZ"
Vilje Čuz Mirzet
Sarajevo, 06.08.2018.

UGOVORNI ORGAN:
[Signature]
Broj: 12-1029-4/18
Sarajevo, 06.08.2018. godine

